



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-8-9/21
Sarajevo, 13.04.2021. godine

Na osnovu člana 64. i člana 70. Zakona o javnim nabavkama BiH ("Službeni glasnik BiH", broj 39/14) i Preporuke komisije za javne nabavke broj JN1-16-4-8-8/21 od 07.04.2021. godine, direktor Agencije za statistiku BiH donosi:

ODLUKU
o izboru najpovoljnijeg ponuđača

Ugovorni organ - Agencija za statistiku BiH - prihvata Preporuku Komisije broj JN1-16-4-8-8/21 od 07.04.2021. godine za izbor najpovoljnijeg ponuđača za nabavku usluge – štampanje redovnih publikacija, anketnog i promo materijala (JRJN 30200000-1) za potrebe Agencije za statistiku BiH, koja se provodi u skladu sa članom 25. Zakona o javnim nabavkama, a po odluci za nabavku predmetne usluge broj: JN1-16-4-8-1/20 od 01.10.2020. godine, te je kao najuspješniji ponuđač izabrana firma "Štamparija Fojnica" d.d. Fojnica sa ponudenom cijenom u iznosu od 12.983,00 KM bez PDV-a, odnosno 15.190,11 KM sa PDV-om (ponuda broj 61/21 od 12.03.2021. godine).

Obrazloženje

Agencija za statistiku BiH je u cilju dostave ponuda za nabavku usluge – štampanje redovnih publikacija, anketnog i promo materijala pokrenula otvoreni postupak nabavke, te je 22.02.2021. godine, objavila Obavještenje o nabavci na portalu Agencije za javne nabavke BiH broj: 11-1-2-6-3-2/21.

Po prethodno navedenom Obavještenju prijavila su se ukupno tri (3) ponuđača i to:

1. 51-02-0047-09 "Štamparija Fojnica" d.d. Fojnica sa ponudenom cijenom u iznosu od 18.597,15 KM sa PDV-om.
2. 1-6658 „OFF-SET“ d.o.o. Tuzla sa ponudenom cijenom u iznosu od 22.358,70 KM sa PDV-om.
3. JIB: 4501490640006 „KOPIKOMERC“ Istočno Sarajevo sa ponudenom cijenom u iznosu od 39.616,20 KM sa PDV-om.

Komisija je u skladu sa svojim mandatom preuzela odgovarajuće aktivnosti, tj. izvršila je ocjenu i analizu ponuda ponuđača „Štamparija Fojnica“ d.d. Fojnica broj: 61/21 od 12.03.2021. i ponuđača „OFF-SET“ d.o.o. Tuzla broj: 122-2/21 od 11.03.2021. i konstatovala da su iste prihvatljive i dostavljene u skladu sa svim traženim kvalifikacionim zahtjevima iz tenderske dokumentacije. Prilikom uvida, ocjene i analize ponude ponuđača „KOPIKOMERC“ Istočno Sarajevo broj: 006-03-2021 od 16.03.2021. godine komisija je utvrdila da u sklopu ponude navedenog ponuđača nije dostavljena izjava kojom se potvrđuje da kandidat ekonomski i finansijski garantuje ispravno izvršenje ugovora, a što je traženo tačkom 3.1.5. tenderske dokumentacije. Komisija je zauzela stav da se ponuda ponuđača „KOPIKOMERC“ Istočno Sarajevo odbaci kao nepotpuna u skladu sa članom 68. stav (4), tačka i) ZJN BiH, te da se ponude ponuđača „Štamparija Fojnica“ d.d. Fojnica i „OFF-SET“

d.o.o. Tuzla upute na e-aukciju koja je zakazana za 31.03.2021. godine. Komisija nastavlja sa radom nakon završetka e-Aukcije

Prema izvještaju o toku i završetku E-aukcije koji je automatski generisan iz sistema elektronskih javnih nabavki dana 31.03.2021. godine e-aukcija je završena i u toku trajanja iste ponuđač „OFF-SET“ d.o.o. Tuzla je umanjio početnu cijenu svoje ponude za 31,97%, a ponuđač „Štamparija Fojnica“ d.d. Fojnica je umanjio početnu cijenu svoje ponude za 18.31%. Za navedeni procenat umanjjenja će biti snižena ukupna cijena ponude svakog ponuđača kao i cijene svih pojedinačnih stavki u okviru ponuda.

Komisija je 06.04.2021. u 10:00 sati nastavila svoj rad te je na osnovu izvještaja o toku i završetku e-aukcije donijela konačnu rang listu ponuđača kako slijedi:

1. „Štamparija Fojnica“ d.d. Fojnica sa ukupnom cijenom u iznosu od 12.983,00 KM bez PDV-a, odnosno 15.190,11 KM sa PDV-om;
2. „OFF-SET“ d.o.o. Tuzla sa konačnom cijenom u iznosu od 13.000,23 KM bez PDV-a, odnosno 15.210,23 KM sa PDV-om.

Analizirajući ponude u skladu sa članom 65. ZJN i postavljenim kriterijima u tenderskoj dokumentaciji (TD) za predmetnu nabavku, te nakon provedene e-Aukcije kao najpovoljniji ponuđač sa kojim ugovorni organ namjerava zaključiti okvirni sporazum o predmetnoj nabavci je „Štamparija Fojnica“ d.d. Fojnica na osnovu ponude broj 61/21 od 12.03.2021. i cijenom u iznosu od 18.597,15 KM sa PDV-om koja je nakon provedene e-Aukcije snižena za 18,31% te u konačnici iznosi 15.190,11 KM sa PDV-om. S obzirom da je ponuda ponuđača „Štamparija Fojnica“ d.d. ocjenjena kao prihvatljiva i sa najnižom cijenom, Komisija za nabavku predlaže prihvatanje iste i daje Preporuku ugovornom organu da se u skladu sa članom 70. ZJN BiH donese odluka o izboru najpovoljnijeg ponuđača.

Navedeni ponuđač ocjenjen je kao najuspješniji i najpovoljniji za Ugovorni organ, jer je ponudio najnižu cijenu što je u skladu sa članom 64. i članom 65. ZJN, nakon provedene e-Aukcije.

Ugovorni organ će sa izabranim ponuđačem (po pravosnažnosti ove odluke) zaključiti ugovor u kojem će se precizirati uslovi i vrijeme realizacije ponude izabranog ponuđača.

Ova odluka objaviće se na Web stranici Agencije za statistiku BiH u skladu sa članom 70. ZJN BiH.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN. Izabrani ponuđač je obavezan da dostavi tražene dokaze (date u izjavi) u skladu sa članom 45. ZJN BiH u roku od **deset (10) dana** od dana prijema Odluke i obavještenja o izboru najpovoljnijeg ponuđača tj. prije potpisivanja ugovora.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalba u skladu sa članom 99. i 101. ZJN. Žalba se podnosi ugovornom organu. Agencija za statistiku BiH Zelenih beretki 26, 71 000 Sarajevo.



Dostaviti: - Ponuđačima
- Web stranica
- a/a